

Selma Prodanović, selektor „No Limita“

## Sama sebi osmislila funkciju

Sprema doktorat „Mreže kao izvor vrijednosti“

● Djeca kao poticaj za osnivanje firme

Rođena Sarajka Selma Prodanović, inače diplomirana ekonomistica, već dugi niz godina sa svojom porodicom živi u glavnom gradu Austrije. Tamo je nedavno osnovala firmu „Brainswork“, koja se bavi razvojem poslovanja i marketinga. Osim što je vlasnica preduzeća, Prodanović je i potpredsjednica kreativne industrije Austrije.

Sarajevo posjeti bar jednom godišnje, a ovog puta njen dolazak ima poslovni razlog. Selektor je Glavnog programa festivala „No Limit“.

### Sigurnosna mreža

Kao majka dvoje djece, četverogodišnjeg dječaka i šestogodišnje djevojčice, Prodanović ima mnoštvo obaveza. Međutim, to je ne sputava u ostvarenju njenih zamisli. Trenutno priprema doktorat o temi „Mreže kao izvor vrijednosti“.

- Djeca su mi bila najveći poticaj za osnivanje firme. U Beču nije bilo moguće raditi posao koji zahtijeva veliku odgovornost i pritom

### Nekoliko jezika

Selma Prodanović svojim roditeljima je najviše zahvalna na tome što su je naučili da u sve ulazi sa sigurnošću i da je sve moguće. Još u djetinjstvu imala je priliku s majkom i ocem boraviti u Španiji, Tunisu i drugim zemljama te savladati nekoliko jezika. Govori njemački, engleski, francuski i italijanski.

imati vremena za njih. Naravno, u svemu imam veliku podršku supruga, jer on najčešće snosi veliki dio brige dok sam na poslovnim putovanjima. Pored njega razvila sam sigurnosnu mrežu ljudi na koje se oslanjam kad mi zatreba ispomoc za djecu - kazala je Prodanović.

### Inspiracija djevojkama

Sve što je napravila smatra rezultatom saradnje s različitim profesionalnim grupama ljudi. U posljednjih 15 godina prisustvovala je na 80 seminara, bila članica mnogih udruženja... Prikupljala je znanje koje danas primjenjuje u svom radu, a sama sebi smislila je funkciju, „osoba koja povezuje“, te se nada da će ona što prije biti prihvaćena.

- Vjerujem da će ovaj naš razgovor inspirirati mnoge mlade djevojke da uzmu stvari u svoje ruke. Pored

svih obaveza, u funkciji mentora pomazem i mnogim ženama u razvoju njihove karijere - kazala je Prodanović.



Prodanović:  
Pomaže ženama

(Foto: F. Foča)

A. BEŠIĆ